

Euskal Herrian

tarrak iritsiko direla gurera. Antzeko sineskera dute, Adonai eta Mision Rama izeneko sektek ere.

◆ Talde xamanikoak ◆

Espainian Arco Iris izeneko sekta arriskutsua zuzendu zuen Emilio Fiel buruzagiak bultzatutako taldeek jardunean jarraitzen dute Euskal Herrian. Ama Lurra izeneko ere xamanikoa da.

◆ Mormoiak ◆

Jehovaren Lekukoak taldearen antzeko sekta osatzen dute mormoiak. Nazioarte mailako taldea da. Kide ugari dituzte eta Euskal Herrian ere egiten dituzte proselitismo kanpainak.

◆ Ordena Apostolikoa ◆

Milenaristak dira eta bibliaren irakurketa fundamentalista egiten dute. Komunetan bizi dira eta uko egiten diote medikuntza modernoari. Jainkoak munduan sakabanatuak dauden hamabi tribuak altxatuak dela uste dute. Euskal Herriko komunek Tabithas Place izeneko tribua osatzen dute. Bada komuna bat Xutxen, Zuberoako muga, beste bat Gipuzkoako kostaldean eta beste bat Bizkaian.

◆ Ihuer ◆

Sri Lankan sortutako sekta bat da, nahiz eta Estatu Batuetan garatu den. Hendai badiu kideak. Lapurdiko hiri horretan bizi izan da Frantzia osorako buruzagia. Beren jarduerak Donostia aldera hedatzeko asmoa zuten haien berri jakin zen azkenengo aldian. Orientalistak dira eta sasi-medikuntzan dihardute; giza energiaren inguruko irakaskuntzak zabaltzen dituzte.

◆ Energo Chromo Kinese ◆

Ipar Euskal Herrian adar indartsua sortu zuen; mugimendu abertzalean garatzen hasia zen nabarmen, taldearen buruan ziren senar-emazteak haurrak ikastolan baitzituzten. Baionako Santa Izpiritu auzoan zuten egoitza nagusia. Orain bost bat urte jendaurrean salatu egin zituzten eta itxi egin behar izan zuten egoitza eta Hego Euskal Herria lekualdatu ziren. Gasteiz ingurura. Energia positiboak jasotzeko ikastaroak antolatzen dituzte, eta, mailaz maila gora egiten taldearen hierarkian.

◆ Ivi (Invitation a la vie) ◆

Donibane-Lohizune inguruan badiu kideak sekta honek. Eliza katolikoaren inguruan sortu zuen frantziar emakumezko batek. Emakumezko horrek gaitz guztiak sendatzeko ahalbideak dituela sinesgarazi die taldeko kideei. Frantzia 7.000 kide inguru ditu, departamendu guztietan banatuta. Atzerrian ere zabal-kunde handia lortu dute.

SME eta ADFI, sekten aurkako borrokan

Arlo horretan aritzen diren bi elkarte daude, Bilbon bat eta Miarriritzen bestea

EUSKAL HERRIAN bi talde ari dira sektak ikertu eta haien kontrako borroka bultzatzen: Sektek Mindutakoen Elkartea (SME) Bilbon eta Biktimen eta Senitartekoen Babeserako Elkartea (ADFI) Miarriritzen. Horrezaz gainera, Berdeek Donostian duten egoitzan ere ematen dute sekta suntsitzaleei buruzko informazioa. Gizartean, oro har, bestela pentsatzen bada ere, sektak inguruan ditugula eta oso arriskuak direla ohartarazi nahi digute talde horiek.

Sektek Mindutakoen Elkartea 1995 urtean jaio zen, Joseba Barrios elkarte gaur egungo lehendakariak bultzatuta. Barrios, aurrez, Jehovaharen Lekukoek kontra aritua zen lanean, inongo zalantza izpirik gabe sektatzat jotzen duen hori etxetik bertatik ezagutzen baitzuen. Emaztea Jehovaharen Lekukoa zen eta itsutua zeukan talde horreko fedea. Bikotearen lau semeak koskortzen hasi zirenean bihurtu zen jasanazina etxeko giroa, mutikoei ere Jehovaharen Lekukoek munduaz duten pentsakera barneratu nahi baitzien amak. Barriosek aitortu digunez, horrek guztiak erotzeaz zeukan. Errotik hautsi eta bikotekidea-rengandik banatzea erabaki zuen. Lau semeak amarekin geratu ziren, baina. Haurrak berreskuratzeko lehian hastearekin bat erabaki zuen Jehovahko Lekukoek kontrako borrokari ere ekin behar ziola.

Hala, bada, Jehovaharen Lekukoek Kaltetutakoen Elkartea (ATJ) sortu zuen, Antonio Carrera idazle bilbotarrarekin batera. Carrera hamalau urte izan zen Jehovaharen lekuko; sekta horretako hierarkiaren barruan, garrantzizko postua bete zuen gainera. Baina urte urte talde horren doktrina nola aldatu zen konturatzearrekin batera hasi zen sektariotasunaz jabetzen. 1975 ostean izan zen hori, ordurako Jehovaharen Lekukoek munduaren akabera iragarri zuten arren, guztiak berdin jarraitzen zuela konturatu ostean.

ATJn Jehovaharen Lekukoek senitarteko eta ingurukoek egingako zientzia salaketa jaso zituzten, baina baita beste talde batzuei buruzkoak ere. Sektek Mindutakoen Elkartea sortzea erabaki zuten horrenbestez, 1995 urtea zen. Harrezkeroztik, Hego Euskal Herrian ari diren sektei buruzko informazio zabala jaso dute, biktimen senitartekoei emandako datuetan oinarrituta batez ere. 1997 urtean 1.300 dei jaso zituzten 4531686 telefonoan, ia guztiak salaketak egin eta laguntza eskatzeko.

Barriosen arabera, inguruko ahaide edo lagun bat sekten atzaparretan erori ostean zer egin ez dakiela garatzen dira herritarrak. Laguntza non eskatu ez daki kasik inork. Batean eta bestean galdetu ostean, elkar-



Sektek argitaratzen dituzten panfleto eta liburuxken kopurua izugarri handia da.

ARTXIBOKOA

koengana jotzen dute euren arazoa kontatzera. Bertan biktimen gertuko pertsona hori lasaitzen saiatzen dira, eta, nola jokatu jakiteko, taldearentzat lan egiten duten psikologo eta abokatuaren eskuetan jartzen dituzte.

Baina taldea txikia da, eta oso baliabide mugatuak ditu. Era-kunde publikoetatik jasotzen dute dirulaguntza apurrarekin ari dira, nola edo hala, aurrera egiten. Bide horretan, baina, erre-dituzte ia indar guztiak eta aurki-desagertzeko asmoa daukate. «Horrela Administrazioa behartu egin nahi dugu berak eman dezan orain guk eskaintzen dugun zerbitzua», dio Barriosek.

ADFIren euskal adar berria • ADFI elkarte ere berria da Ipar Euskal Herrian. Biktima eta Senitartekoen Babeserako Elkartea Frantziako ia departamendu guztietan ditu ordezkaritzak, baita Pirinio Atlantikoetakoan ere. Orain bi urte, baina, erabaki zen,

Euskal Herrian ere osatu behar-ko zela adar bat, Pauekoari lotutakoa izan arren. Iaztik Miarriritzen ari dira lanean. Espainia karrikako Natacha Etxean dute egoitza, eta hilabeteko lehen eta hirugarren asteartetan jasotzen dituzte deiak eta bisitak - 0559437226 da telefonoa.

Bertako kideek jakinarazi digutenez, «sekten biktimei harrera egin eta duten arrangura hori apaltzen» laguntzen saiatzen dira lehenik. Horrekin batera, orde, arrangura hori benetan sekta batek eragindakoa den aztertzen dute, asko baitira iruzur soil batek jota pentsamendu hori izaten dutenak. Benetan sekta batez ari dela ikusiz gero, biktimarekin zein jokabide izan behar duen aholkatzen diote senitarteko horri: lehenik eta behin, gomendatzen diote ahaide horrekin duten komunikazio apurrari eutsi egin behar diotela nola edo hala. Jakinarazten diote, bide batez, biktimari ez zaiola

inoiz esan behar sekta bat dela bere taldea, jarrera horri erantzuteko sekta guztiek badutelako biktimismoaren erantzuna; finean, kontraesanak sortu behar zaizkio, baina ez modu erasokorrean. Azkenik, talde horri buruzko ahalik eta informazio gehien lortu behar dela esaten diete, eta etxeko ondasunak babestu egin behar dituela, biktimak sektaren esku utz ez ditzan.

Helburu informatzaile horrezaz gain, ADFI badu beste xede nagusi bat: hain zuzen ere, sekten biktimei eurei abegi eman eta bergizarteratzen laguntzea.

Euskal Herrian zehazki zenbat sektakide dauden eta zenbat salaketa egiten diren jakitea ezinezkoa da. Izan ere, orain arte Paueko bulegoan jasotzen ziren datu horiek guztiak, eta ez ziren Ipar Euskal Herriko eta departamenduko gainontzekoak bereizten. Euskal Herriko ordezkaritza sortu denez geroztik, orde, lan hori ere egin ahal izango dute.

Iparraldetik hegoaldera

Estatu Batuak dira sekten lurraldea; horretan ez dago dudarik: ezagun egin diren sekta ia guzti-guztiak herrialde hartan sortu edo garatu dira. EEBBetara mugatu beharrean, orde, mundu osora zabaldu dira. Azken urte hauetan ageri-agerikoa izan da Estatu Batuetatik Europarako mugimendu hori.

Eta mugimendu horren barruan, gero eta nabariagoa da iparraldetik hegoalderako

joera. Europa iparraldeko herrialdeetan lehenagotik hasiak dira sekten kontrako borrokan -Alemanian eta Holandan, esaterako-. Frantzia ere orain dela gutxi ikertu, sailkatu eta zerrendatu ditu Asanblea Nazionalak sekta suntsitzaleak, eta, bide batez, haien arriskuaz ohartarazi du gizartea. Hori dela eta, Frantziako Estatuan gero eta sekta gehiago salatzen dira jendaurrean.

Hala gertatzen den bakoitzean sekten ihes egiten dute ezkutura; eta nora ihes egin? Bada, euren aurkako jarrera hori ez dagoen lekuetara. Hori bera gertatzen ari da Euskal Herrian. Azken urte hauetan Ipar Euskal Herriko Hegoalderako bidea hartu dute talde askok. Hala egin dute, besteak beste, Ordena Apostolikoak, Ihuerrek, Energo Chromo Kinese eta baita La Familia berak ere.

Eusko Legebiltzarrean joan den urtean osatu zen sekten ikerketarako batzordea. Lan mahai horrek egin duen lana, orde, ez da oso eraginkorra gertatu orain arte.

Sekten kontra lege ezitea oso zaila da. Gaur egun, sekta suntsitzaleen kontra, lege ezin da deus egin, baldin eta fiskalitate neurriak betetzen ez badi-tuzte, iruzur egin edota medikuntzan legez kanpo jo. X